

Na osnovu čl. 74. i 78. Zakona o visokom obrazovanju ("Službene novine Kantona Sarajevo", br. 42/13 - prečišćeni tekst i 13/15), čl. 116. i 135. Statuta Univerziteta u Sarajevu, čl. 23. do 30. Pravila studiranja za treći ciklus studija na Univerzitetu u Sarajevu (broj: 0101-38-276/11 od 29.12.2010. godine), čl. 15. i 16. Pravila studiranja za treći ciklus studija na Elektrotehničkom fakultetu u Sarajevu (broj: 04-1-1774/10 od 31.05.2010. godine), Odluke Senata Univerziteta u Sarajevu o saglasnosti na studijski program III (trećeg) ciklusa - doktorski studij Elektrotehničkog fakulteta u Sarajevu (broj: 01-38-2314/10 od 22.09.2010. godine), Odluke Nastavnonaučnog vijeća Elektrotehničkog fakulteta u Sarajevu (broj: 04-1-2480/15 od 01.06.2015. godine), Odluke Senata Univerziteta u Sarajevu o davanju saglasnosti za raspisivanje konkursa za upis studenata na III (treći) ciklus studija - doktorski studij u studijskoj 2015/2016. godini (broj: 01-4055/15 od 24.06.2015. godine), Elektrotehnički fakultet u Sarajevu, *o b j a v l j u j e*

JAVNI KONKURS

za upis studenata na III (TREĆI) CIKLUS STUDIJA - DOKTORSKI STUDIJ
na Elektrotehničkom fakultetu u Sarajevu
u studijskoj 2015/2016. godini

I

Konkurs se raspisuje za upis studenata u III (treći) ciklus studija – doktorski studij na Elektrotehničkom fakultetu u Sarajevu u studijskoj 2015/2016. godini, a koji se organizuje za naučne oblasti studija kako slijedi:

- Automatika i elektronika,
- Elektroenergetika,
- Računarstvo i informatika i
- Telekomunikacije.

Treći ciklus studija - doktorski studij u studijskoj 2015/2016. godini se organizira za upis u prvu i drugu godinu studija, traje tri studijske godine (šest semestara), obim studijskog programa ovih studija vrednuje se sa 180 ECTS studijskih bodova, a njegovim završetkom stiče se naučni stepen doktora tehničkih nauka u datoj oblasti.

II

Pravo učešća na konkursu imaju, pod jednakim uvjetima, državljani Bosne i Hercegovine i strani državljani, za koje je nakon postupka nostrifikacije odnosno ekvivalencije diplome (izvršenog postupka priznavanja inostrane visokoškolske kvalifikacije) ranije završenog ciklusa/stepena studija utvrđeno da imaju završeno adekvatno obrazovanje za nastavak studija.

Na prvu godinu III (trećeg) ciklusa studija - doktorskog studija mogu se upisati kandidati koji ispunjavaju opće i posebne uvjete iz ovog konkursa.

I Opći uvjeti su:

- a) Kandidati koji su stekli zvanje magistar elektrotehnike – diplomirani inženjer elektrotehnike, kandidati koji su stekli diplomu drugog ciklusa studija iz odgovarajućeg oblasti nauke (završen drugi ciklus studija u skladu sa principima bolonjskog procesa), kao i kandidati kojima je to zvanje priznato u postupku ekvivalencije.

- b) Kandidati koji su stekli zvanje diplomirani inženjer elektrotehnike po predbolonjskom sistemu studiranja, a u postupku ekvivalencije na Elektrotehničkom fakultetu u Sarajevu im je to zvanje izjednačeno sa zvanjem magistar elektrotehnike.
- c) Kandidati koji su stekli zvanja diplomirani inženjer elektrotehnike po predbolonjskom sistemu studiranja i uključili su se u program ekvivalencije na Elektrotehničkom fakultetu u Sarajevu, a koji su obavezni okončati tokom prve godine doktorskog studija.

II Posebni uvjeti su:

- a) Kandidati koji su stekli zvanje magistar elektrotehnike – diplomirani inženjer elektrotehnike i kandidati koji su stekli diplomu drugog ciklusa studija iz odgovarajućeg oblasti nauke, trebaju imati prosjek svih ocjena iz ispita položenih u okviru drugog ciklusa studija (uključujući završni rad) veći ili jednak osam.
- b) Kandidati koji su stekli zvanje diplomirani inženjer elektrotehnike trebaju imati prosjek veći ili jednak osam iz predmeta dvije završne godine studija (uključujući ocjenu diplomskog rada), kao i ispita koje polože u postupku ekvivalencije.
- c) Kandidatima koji su stekli zvanja diplomirani inženjer elektrotehnike i uključili se u program ekvivalencije koji su obavezni okončati tokom prve godine doktorskog studija, u prosjek ulaze samo ocjene iz predmeta dvije završne godine studija (uključujući ocjenu diplomskog rada).

Na drugu godinu III (trećeg) ciklusa studija - doktorskog studija mogu se direktno upisati:

- a) Kandidati koji su kroz postdiplomski studij po predbolonjskom sistemu studiranja, čije trajanje nije bilo kraće od dvije godine stekli zvanje magistar elektrotehničkih nauka.
- b) U prvom semestru druge godine studija ovi kandidati slušaju i polažu ispite iz dva predmeta druge godine studija.

III

Nastava na III (trećem) ciklusu studija - doktorskog studiju će se organizirati ukoliko po konkursu budu primljena najmanje tri kandidata za svaku naučnu oblast studija iz tačke I ovog konkursa.

IV

Visina participacije cijena usluga i školarine za III (treći) ciklus studija - doktorski studij na Elektrotehničkom fakultetu u Sarajevu je utvrđena u skladu sa Odlukom Vlade Kantona Sarajevo broj: 02-5-19288/9/09 od 11.06.2009. godine o davanju saglasnosti na visinu participacije cijena usluga, upisnina i drugih troškova studija Univerziteta u Sarajevu, te fakulteta i akademija u njegovom sastavu (dostupna na <http://www.unsa.ba> - poglavlje Propisi, Cjenovnici) i Odlukom Upravnog odbora Elektrotehničkog fakulteta u Sarajevu o cijeni troškova doktorskog studija (prečišćen tekst) broj: 01-01-1418/13 od 03.04.2013. godine (dostupna na <http://www.etf.unsa.ba>).

V

Uz prijavu na konkurs za upis na III (treći) ciklus studija - doktorski studij, kandidati su obavezni dostaviti sljedeće dokumente:

1. Zahtjev za upis sa naznakom oblasti na koju se konkuriše;
2. Biografiju;
3. Originalnu diplomu i dodatak diplomi (za studente koji su završili studij prema bolonjskom

sistemu studija), odnosno originalnu diplomu i uvjerenje o prosjeku ocjena (za studente koji su završili studij po predbolonjskom sistemu studija) o završenom prethodnom obrazovanju u Bosni i Hercegovini. Studenti Univerziteta u Sarajevu koji su završili drugi ciklus studija mogu do izdavanja diplome i dodatka diplomi predati uvjerenje o završenom studiju ukoliko se promocija i dodjela diploma vrši nakon završetka roka predviđenog za dostavljanje prijava za upis po ovom konkursu;

4. Rješenje o nostrifikaciji diplome (odnosno rješenje o priznavanju inostrane visokoškolske kvalifikacije) za kandidate koji su stekli prethodno obrazovanje izvan Bosne i Hercegovine, ili potvrdu da je taj postupak u toku (original ili ovjerena kopija);
5. Izvod iz matične knjige rođenih i uvjerenje o državljanstvu, odnosno prva stranica pasoša za kandidate koji nisu državljani Bosne i Hercegovine (original ili ovjerena kopija);
6. Druge relevantne dokumente kojima se dokazuje ispunjavanje općih i posebnih uvjeta iz ovog konkursa.

Prijave sa potrebnom dokumentacijom sa naznakom "*ZA KONKURS ZA UPIS NA III (TREĆI) CIKLUS STUDIJA – DOKTORSKI STUDIJ NA ELEKTROTEHNIČKOM FAKULTETU U SARAJEVU*" dostavljaju se u zatvorenoj kovrti lično (svakim radnim danom od 10,00 do 13,00 sati) Studentskoj službi Elektrotehničkog fakulteta u Sarajevu ili preporučenom poštom na adresu: Univerzitet u Sarajevu, Elektrotehnički fakultet u Sarajevu, Zmaja od Bosne bb (Kampus Univerziteta u Sarajevu), 71 000 Sarajevo.

Nepotpune i neblagovremene prijave neće se uzimati u razmatranje.

VI

Konkurs za upis na III (treći) ciklus studija - doktorski studij ostaje otvoren od 1. septembra do 4. decembra 2015. godine (prvi upisni rok).

Elektrotehnički fakultet u Sarajevu će u slučaju da je u prvom upisnom roku broj kvalificiranih kandidata za upis manji od predviđenog broja za upis, organizirati prijem prijava i izbor kandidata u drugom upisnom roku (naknadni konkurs). Obavještenje o drugom upisnom roku biće blagovremeno oglašeno na službenoj internet stranici i oglasnim pločama Elektrotehničkog fakulteta u Sarajevu.

Ukoliko i nakon drugog upisnog roka preostane određeni broj zainteresiranih kandidata za upis, koji iz objektivnih razloga nisu bili u mogućnosti prijaviti se na neki od prethodnih upisnih rokova, Elektrotehnički fakultet u Sarajevu može do početka nastave na trećem ciklusu studija u studijskoj 2015/2016. godine objaviti i realizirati dodatni naknadni konkurs (treći upisni rok).

VII

Preliminarnu rang-listu svih prijavljenih i primljenih kandidata Elektrotehnički fakultet u Sarajevu će objaviti na oglasnoj ploči i internet stranici, nakon što je verificira nadležno tijelo najkasnije dva dana nakon isteka roka za podnošenje prijava na konkurs.

Na objavljenu preliminarnu rang-listu kandidati imaju pravo prigovora u roku od tri dana od dana objave iste.

Na prigovor kandidata, nadležno tijelo Elektrotehničkog fakulteta u Sarajevu obavezno je donijeti odluku u roku od tri dana.

Konačni spisak primljenih kandidata, Elektrotehnički fakultet u Sarajevu će objaviti na internet stranici i oglasnoj ploči najkasnije u roku od osam dana nakon objavljivanja preliminarne rang-liste.

Upis primljenih kandidata izvršit će se najkasnije sedam dana prije početka nastave.

Nastava na III (trećem) ciklusu studija - doktorskom studiju na Elektrotehničkom fakultetu u Sarajevu će započeti najkasnije do kraja zimskog semestra studijske 2015/2016. godine.

Sve dodatne informacije, zainteresirani kandidati mogu dobiti u Studentskoj službi Elektrotehničkog fakulteta u Sarajevu ili na broj telefona: +387 33 205 708.

Javni konkurs za upis studenata u drugom upisnom roku (naknadni konkurs) na III (treći) ciklus studija - doktorski studij na Elektrotehničkom fakultetu u Sarajevu u studijskoj 2015/2016. godini, oglasen je na web stranici i oglasnoj ploči Elektrotehničkog fakulteta u Sarajevu, dana 10. decembra 2015. godine.